

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCXVIII. ad annum MCLXXIX.

Parisiis, 1644

De Raptoribvs Ecclesiarvm & violatoribus: quando etiam post peractam
poenitentiam neganda sepultura ecclesiastica, nisi satisdent de anno
restituendo.

urn:nbn:de:hbz:466:1-15588

ANNO CHRISTI
1179. DE RAPTORIBVS, ET ECCLESIARVM PARS XXXIV.

VIOLATORIBVS, ET QVANDO POST PERACTAM
poenitentiam sit neganda sepultura ecclesiastica , nisi
satisfident de damno restituendo.

C A P. I.

Eugenius tertius uniuerso clero.

SVPER eo quod de raptoribus ecclesiarum, atque presbyteris, qui poenitentiam eis iniungere, & oblationes eorum contra statutum nostrum suscipere attentauerint, a nobis communi deliberatione statutum cum fratribus nostris statuimus, & constitutionem ipsam, sanctorum patrum vestigia subsequentes, auctoritate Dei & sanctorum apostolorum Petri & Pauli pariter confirmamus, statuentes, ut quicumque ex his raptoribus, qui in urbe diabolo suggeste violenter surrexerint, in rapina, siue in ecclesiarum violatione manifeste est deprehensus, vel amodo fuerit, nisi ablata prius restituat, si poterit, vel emendandi plenam securitatem fecerit, poenitentiae beneficium ei penitus denegent: si vero usque ad obitum, quod absit, in sua contumacia durauerit, & in extremis positus, poenitentiae remedium humiliter postulauerit, si emendationem vel emendandi securitatem praestiterit, ac fideiussores, qui ablata restituere debeant, idoneos dederit, ei poenitentia & ecclesiastica sepultura concedatur. Qui autem in sanitate obstinata mente non poenituerit, vel emenderit, & in morte securitatem ac fideiussores, sicut diximus, praestare nequuerit, solennitas poenitentiae parum prodesse (sicut credimus) videtur: sed viaticum non negetur, ita tamen, ut nullus clericorum sepultura illius interficit, nec eius eleemosynam accipere presumat. Quod si qui presbyterorum vel clericorum contra statutum nostrum in vita vel in morte poenitentias dare, aut sepulturae illorum interesset, vel eorum eleemosynas accipere attenterint, seu huiusmodi rapinae participes inuenti fuerint, ordinis sui damnum irrecuperabiliter patiantur, & beneficio ecclesiastico careant.

C A P. II.

Alexander III. Claromontano episcopo.

Literis tuis quas I. lator præsentium exhibuerat, continebatur, quod cum pater eius multis fuisse criminibus irretitus, qui per appositionem ignis, ecclesiarum incendium diabolo suggeste commiserat: tandem in ultima ægritudine constitutus, se confessus est peccatorem, & accepta pœnitentia de commissis, per manum capellani sui fuit a sententia anathematis absolvitus: sed moriens, ecclesiasticam sepulturam nequivit habere. Quapropter si ita res se habet, fraternitati tuæ, &c. quatenus corpus eiusdem patris I. supradicti, appellatione cessante, facias in cœmterio sepeliri, & heredes eius moneas & compellas, vt his quibus ille per incendium vel alio modo damna contra iustitiam irrogauit, iuxta suas facultates condigne satisfiant, vt sic a peccato valeat liberari.

Idem ex Concilio Turonensi.

Fures & latrones si in furando vel in prædando occiduntur, visum est pro eis non orandum: & si comprehensi & vulnerati fuerint, & presbytero vel diacono confessi fuerint, communionem eis non denegamus.

C A P. III.

Item Alexander tertius Lucensi episcopo.

De secunda vero quæstione, hoc tuam discretionem tenere volumus, quod propinqui eius, quem pro manifestis excessibus, videlicet homicidio, incendio, violenta manuum iniectione in clericos, in violatione multarum ecclesiarum & incestu, vinculo excommunicationis adstringis, monendi sunt vt pro eis satisfactionem exhibeant: quod si fecerint, quia laborans in extremis, præstito iuramento, per presbyterum * tenuerit ab excommunicatio-^{* f. mo. ruerit}nis sententia relaxari, in cœmterio poterit sepeliri. Si autem propinqui sui tuis acquiescere monitis contradixerint, quia iam non est purgatum peccatum, defuncto neganda est ecclesiastica sepultura.

DE